

**PROGRAM SARAJEVSKOG OTVORENOG CENTRA –  
8. MART 2016 – MEĐUNARODNI DAN ŽENA**

Kad ?	Šta?	Gdje?	Kontakt osoba:
Petak, 4.3.2016. 11:00 sati	<p>Press konferencija <b>Ljudska prava žena: izvještaj za 2015. i pogled u 2016. godinu</b></p> <p>Sarajevski otvoreni centar u svome <i>Narandžastom izvještaju 2016. Godišnjem izvještaju o stanju ljudskih prava žena u BiH</i> predstavlja razvoj u 2015. i predlaže prioritete za 2016. godinu. Riječ je o jedinom izvještaju koji se objavljuje na godišnjem nivou od strane jedne organizacije civilnog društva. Na pedeset stranica izvještaja ukazuje se na postignuća ali mjere koje se moraju poduzimati kada govorimo o unapređenju ravnopravnosti žena u oblastima pravnog i institucionalnog okvira, političke participacije, obrazovanja i zapošljavanja, zdravstvene zaštite, nasilja u porodici i ratnog seksualnog nasilja, te trgovine ljudima. Na press konferenciji govore članovi_ice Sarajevskog otvorenog centra. Realizaciju događaja podržava Norveška ambasada u BiH i Švedska agencija za međunarodni razvoj i saradnju (Sida).</p>	Sarajevo  Plato ispred Parlamentarne skupštine BiH,  Trg BiH 1	Maida Zagorac maida@soc.ba 033/551-000
Utorak, 8.3.2016. 14:00- 15:20 sati	<p>Tematska sjednica Komisije za jednakopravnost spolova Predstavničkog doma Parlamenta FBiH <b>Trenutno stanje ljudskih prava žena u Federaciji BiH</b></p> <p>Iako se u proteklih 20 godina postigao značajan napredak kada je riječ o ljudskim pravima žena i ravnopravnosti spolova, žene su još uvijek često diskriminirane, te u neravnopravnom položaju. Naročito višestruko depriviligovane žene se nalaze u teškom položaju u našem društvu. Ova tematska sjednica ima za cilj da ponudi presjek trenutnog stanja te da predstavi izazove i prioritete za 2016. godinu. Tematsku sjednicu održava se uz podršku Sarajevskog otvorenog centra i Švedske agencije za međunarodni razvoj i saradnju (Sida).</p> <p>Govore: Jasna Duraković-Hadžiomerović (predsjedavajuća Komiiije), Ana Vuković (Gender centar FBiH), Saša Gavrić (Sarajevski otvoreni centar), Sabiha Husić (Medica Zenica), Zlatan Hrnčić (Gender centar</p>	Sarajevo  Parlament Federacije BiH Velika sala  Hamdije Kreševljakovića 3	Maida Zagorac maida@soc.ba 033/551-000

**PROGRAM SARAJEVSKOG OTVORENOG CENTRA –  
8. MART 2016 – MEĐUNARODNI DAN ŽENA**

	FBiH).		
Utorak, 8.3.2016. 16:00- 17:00 sati	<p>Svečano obilježavanje Međunarodnog dana žena u Parlamentu FBiH <b>Scensko čitanje drame SEDAM – čitaju federalne/i zastupnice/i</b></p> <p>SEDAM je revolucionarna dokumentarna drama koja je bazirana na intervjuiima sa sedam aktivistkinja za prava žena. Ova drama prenosi njihovo iskustvo iz Afganistana, Sjeverne Irske, Rusije, Gvatemale, Pakistana, Kambodže i Nigerije. Kako bi ukazali/e na nasilje nad ženama i neravnopravnost žena u bosanskohercegovačkom društvu, sedam zastupnica i zastupnika: Alma Kratina, Damir Mašić, Darijana Katić, Dennis Gratz, Jasna Duraković-Hadžiomerović, Kenela Zuko i Vesna Švancer, čitaće ovaj tekst. Čitanje drame organizuju Komisija za jednakopravnost spolova Predstavničkog doma Parlamenta FBiH, Sarajevski otvoreni centar i Medica Zenica. Realizaciju događaja podržava Američka ambasada u BiH i Švedska vlada putem Švedske agencije za međunarodni razvoj i saradnju (Sida).</p>	<p>Sarajevo</p> <p>Parlament Federacije BiH Velika sala</p> <p>Hamdije Kreševljakovića 3</p>	<p>Maida Zagorac maida@soc.ba 033/551-000</p>
Četvrtak, 10.3. 2016. 11:00 sati	<p>Emisija na BH Radiju 1 <b>Kako do ravnopravnosti žena u našem društvu?</b></p> <p>Emitovanje emisije na BH Radiju 1 na temu ljudskih prava žena, dio je aktivnosti u okviru Inicijative za monitoring evropskih integracija BiH, čiji je Sarajevski otvoreni centar koordinirajuća organizacija. U emisiji će učestvovati predstavnik/ca Sarajevskog otvorenog centra, predstavnica Kluba parlamentarki Predstavničkog doma Parlamenta Federacije BiH i predstavnice drugih nevladinih organizacija. Emisija će pokriti različite teme kao što su pitanje porodijskih naknada, nasilje u porodici i ravnopravnog učešće oba spola u izvršnoj i zakonodavnoj vlasti. Realizaciju događaja podržava National Endowment for Democracy.</p>	<p>BH Radio 1</p> <p>Širom BiH, frekvencije dostupne na: <a href="http://www.bhrt.ba/bhr1/">http://www.bhrt.ba/bhr1/</a> / frekvencije-bh-radija-1/</p>	<p>Inela Hadžić inela@soc.ba 033/551-000</p>

PROGRAM SARAJEVSKOG OTVORENOG CENTRA –  
8. MART 2016 – MEĐUNARODNI DAN ŽENA

Utorak, 15.3. 2016. 18:00 sati	<p>4. ciklus feminističkih predavanja i razgovora <i>Neko je rekao feminizam?</i> <b>Izveštaj AFŽ-a BiH o ispunjenju prvog Petogodišnjeg plana</b></p> <p>Na prvom predavanju u okviru 4. Ciklusa feminističkih predavanja i razgovora <i>Neko je rekao feminizam?</i>, Andreja Dugandžić i Adela Jušić (Udruženje za kulturu i umjetnost CRVENA) će govoriti o online Arhivu antifašističke borbe žena Bosne i Hercegovine i Jugoslavije, na čijem razvoju rade u okviru programa „Šta je nama naša borba dala?“. Nakon uvida u sadržaj Arhiva, a kroz poseban osvrt na dokumente korespondencije različitih lokalnih organizacija AFŽ-a Bosne i Hercegovine (1942-1950), biće riječi o strukturi i načinu rada Antifašističkog fronta žena, o ideologiji i narativu pokreta, te društveno-političkim okolnostima koje su dovele do njegovog formalnog ukidanja. Takođe, biti će predstavljeno i nekoliko umjetničkih radova koji tematiziraju ratne i postratne aktivnosti žena Jugoslavije, prilikom čega će se govoriti o mogućnostima upotrebe Arhive za proizvodnju novih sadržaja i znanja. Na kraju, a u odnosu na rad Antifašističkog fronta žena, diskutirati će se suvremenoj konfiguraciji ženskog pokreta u Bosni i Hercegovini i načinima na koje smo organizirane oko suštinskih društveno-političkih pitanja.</p> <p>Realizaciju događaja podržava Fondacija Friedrich Ebert, Ured u BiH.</p>	Sarajevo  Historijski muzej, Zmaja od Bosne 5	Jasmina Čaušević jasmina@soc.ba 033/551-000
---	---	--	---